

Član 15.

(Finansiranje projekata od posebnog značaja za Općinu)

Finansiranje projekata od posebnog značaja za Općinu vrši se putem Javnog poziva, koji raspisuje općinski načelnik pod uvjetima i na način utvrđen Odlukom Općinskog vijeća Stari Grad Sarajevo o proglašenju projekta projektom od značaja za Općinu."

Član 4.

Odluka o uslovima i postupku sticanja statusa udruženja i fondacija od posebnog značaja za Općinu Stari Grad Sarajevo i projekata od posebnog značaja za Općinu Stari Grad Sarajevo ("Službene novine Kantona Sarajevo", broj 20/24), u ostalom dijelu ostaje neizmjenjena.

Član 5.

Ova Odluka stupa na snagu danom donošenja, a naknadno će biti objavljivanja u "Službenim novinama Kantona Sarajevo".

Broj 02-45-911/24
Decembra 2024. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 24. Zakona o razvojnom planiranju i upravljanju razvojem u Federaciji Bosne i Hercegovine ("Službene novine Federacije BiH", broj 32/17), člana 12. Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine ("Službene novine Federacije BiH", broj 74/19 i 2/21), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 84. Statuta Općine Stari Grad Sarajevo ("Službene novine Kantona Sarajevo", broj 20/24), Općinsko vijeće Stari Grad Sarajevo je, na 2. redovnoj sjednici, održanoj dana 27.12.2024. godine, donijelo

ODLUKU

O USVAJANJU GODIŠNJEG PLANA RADA OPĆINE
STARI GRAD SARAJEVO ZA 2025. GODINU

Član 1.

(Predmet Odluke)

Ovom Odlukom usvaja se Godišnji plan rada Općine Stari Grad Sarajevo za 2025. godinu.

Član 2.

(Implementacija Godišnjeg plana rada)

Praćenje implementacije Godišnjeg plana rada Općine Stari Grad Sarajevo za 2025. godinu, vršit će se u skladu sa Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine ("Službene novine Federacije BiH", broj 74/19 i 2/21).

Član 3.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-912/24
Decembra 2024. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09), člana 26. Statuta

Općine Stari Grad Sarajevo ("Službene novine Kantona Sarajevo", broj 20/24) i Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), na 2. redovnoj sjednici održanoj dana 27.12.2024. godine, Općinsko vijeće Stari Grad Sarajevo, donosi

ODLUKU

O IZMJENAMA I DOPUNAMA ODLUKE O
KRITERIJIMA I POSTUPKU PODJELE SREDSTAVA
IZ BUDŽETA OPĆINE STARI GRAD SARAJEVO ZA
PROJEKTE I RAD NEPROFITNIH UDRUŽENJA I
FONDACIJA

Član 1.

U Odluci o kriterijima i postupku dodjele sredstava iz Budžeta Općine Stari Grad Sarajevo za projekte i rad neprofitnih udruženja i fondacija ("Službene novine Kantona Sarajevo", broj 10/24) u članu 6. dodaje se alinea 5, koja glasi: "kvalitet i relevantnost prijave".

Član 2.

U članu 9. stav (3) iza veznika "i" se dodaje "ili".

Član 3.

U članu 11. dodaje se alinea 6, koja glasi: "Dokaz da protiv podnosioca prijave, odnosno lica ovlaštenih za zastupanje se ne vodi krivični postupak i da nije pravosnažno osuđen za prekršaj i/ili počinjenje krivičnog djela".

Član 4.

U članu 11. dodaje se alinea 7, koja glasi: "Drugu dokumentaciju traženu Javnim pozivom".

Član 5.

U članu 12. stav (2) se mijenja i glasi: "Komisija se imenuje na period od 12 (dvanaest) mjeseci i broji 3 (tri) člana, od kojih je jedan predsjednik Komisije, a koju čine državni službenici. Komisija ima sekretara, koji je namještenik."

Član 6.

U članu 12. stav (3) alinea tri se mijenja i glasi: Komisija sačinjava preporuku Općinskom načelniku da li da odobri sredstva i u kojem iznosu za svakog pojedinačnog aplikanta, te će obavezno bodovati sve posebne kriterije utvrđene ovom Odlukom, bodovima od 1 do 5, koje će dodatno razraditi obrascem za bodovanje, shodno Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), a što Komisija utvrđuje posebnim Uputstvom. Također, Komisija će bodovati od 1 do 5 i sljedeće elemente:

- kvalitet prijave;
- organizacione i finansijske kapacitete podnosioca prijave;
- dosadašnje iskustvo podnosioca prijave u provođenju aktivnosti za koje podnosi prijavu na Javni poziv;
- procenat vlastitog učešća u realizaciji aktivnosti čije se finansiranje traži putem javnog poziva.

Član 7.

U članu 12. stav (3) mijenja se dosadašnja alinea 3, koja je postala 4, na način da glasi: "Aplikacije koje ispunjavaju opće i posebne kriterije utvrđene ovom Odlukom dostavlja Općinskom načelniku na dalje postupanje uz preporuku da li da odobri dodjeljivanje sredstava za predmetni projekat i u kojem

iznosu vodeći računa o odobrenim sredstvima za predmetni javni poziv."

Član 8.

U članu 20. dodaje se alineja 5, koja glasi: "Dokaz da protiv podnosioca prijave, odnosno lica ovlaštenih za zastupanje se ne vodi krivični postupak i da nije pravosnažno osuđen za prekršaj i/ili počinjenje krivičnog djela".

Član 9.

U članu 22. stav (2) mijenja se na način da glasi: Komisija se imenuje na period od 12 (dvanaest) mjeseci i broji 3 (tri) člana, od kojih je jedan predsjednik Komisije, a koju čine državni službenici. Komisija ima sekretara, koji je namještenik."

Član 10.

U članu 22. stav (3) iza alineje 1 dodaje alineja, koja glasi: "vrši bodovanje od 1 do 5 svih posebnih kriterija utvrđenih ovom Odlukom, kao i elemenata koje utvrdi obrascem za bodovanje, shodno Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), a što Komisija utvrđuje Poslovnikom o radu", dok alineja dva i tri, postaju tri i četiri.

Član 11.

U članu 22. stav (3) mijenja se dosadašnja alineja 3, koja je postala 4, na način da glasi: "Aplikacije koje ispunjavaju opće i posebne kriterije utvrđene ovom Odlukom dostavlja Općinskom načelniku na dalje postupanje uz preporuku da li da odobri dodjeljivanje sredstava i u kojem iznosu vodeći računa o odobrenim sredstvima za predmetni javni poziv."

Član 12.

U ostalom dijelu Odluka o kriterijima i postupku dodjele sredstava iz Budžeta Općine Stari Grad Sarajevo za projekte i rad neprofitnih udruženja i fondacija ("Službene novine Kantona Sarajevo", broj 10/24) ostaje neizmjenjena.

Član 13.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-914/24
Decembra 2024. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu članova 26. i 84. stav (3) Statuta Općine Stari Grad Sarajevo ("Službene novine Kantona Sarajevo", broj 20/24) i člana 25. Poslovnika Općinskog vijeća Stari Grad Sarajevo ("Službene novine Kantona Sarajevo", broj 31/24), Općinsko vijeće Stari Grad Sarajevo, na 2. redovnoj sjednici, održanoj 27. decembra 2024. godine, donijelo je

RJEŠENJE**O RAZRJEŠENJU I IMENOVANJU ZAMJENICE
PREDSJEDNICE KOMISIJE ZA PITANJA
PENZIONERA I PENZIONERSKI STANDARD****I**

U Komisiji za pitanja penzionera i penzionerski standard, razrješava se:

MUNEVERA POPLATA - dužnosti zamjenice predsjednice Komisije

a imenuje se

SUADA AHATOVIĆ - na dužnost zamjenice predsjednice Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-45-926/24
Decembra 2024. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu članova 26. i 84. stav (3) Statuta Općine Stari Grad Sarajevo ("Službene novine Kantona Sarajevo", broj 20/24) i člana 25. Poslovnika Općinskog vijeća Stari Grad Sarajevo ("Službene novine Kantona Sarajevo", broj 31/24), Općinsko vijeće Stari Grad Sarajevo, na 2. redovnoj sjednici, održanoj 27. decembra 2024. godine, donijelo je

RJEŠENJE**O RAZRJEŠENJU I IMENOVANJU ČLANA KOMISIJE
ZA PITANJA BORACA I ŽRTAVA RATA****I**

U Komisiji za pitanja boraca i žrtava rata, razrješava se:

MINEL MUJANOVIĆ - dužnosti člana Komisije

a imenuje se

HARIS IMAMOVIĆ - na dužnost člana Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-45-927/24
Decembra 2024. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu članova 26. i 84. stav (3) Statuta Općine Stari Grad Sarajevo ("Službene novine Kantona Sarajevo", broj 20/24) i člana 25. Poslovnika Općinskog vijeća Stari Grad Sarajevo ("Službene novine Kantona Sarajevo", broj 31/24), Općinsko vijeće Stari Grad Sarajevo, na 2. redovnoj sjednici, održanoj 27. decembra 2024. godine, donijelo je

RJEŠENJE**O RAZRJEŠENJU I IMENOVANJU PREDSJEDNIKA
KOMISIJE ZA PRIVREDNI RAZVOJ, ZANATSTVO,
TURIZAM I MEĐUNARODNU EKONOMSKU
SARADNJU**

U Komisiji za privredni razvoj, zanatstvo, turizam i međunarodnu ekonomsku saradnju:

- HARUN ALAĐUZ razrješava se dužnosti predsjednika Komisije i imenuje se na dužnost zamjenika predsjednika Komisije.

- ALMA ŠEGIĆ razrješava se dužnosti zamjenika predsjednika Komisije i imenuje na dužnost predsjednika Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-45-928/24
Decembra 2024. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.